

RI KA-JELONIC APO RI-Q'UIN RI CRISTO

RI NI-C'UT

Ri Jesucristo ja Rija' ri Ka-colonel y ka-k'atoy tzij. Chuka' ja Rija' ri sakil, ri c'aslen y ri tz'ucunel r-ichin re ruvach'ulef. R-oma ri ru-rayil pokonal Rija', roj k-onojel xkoj-c'astej pe y c'o modo ye-cuyutej ka-mac. 'Y chuka' c'a nin-bij chive chi xt-apon pe ri k'ij tok ri nabexic pa ru-vi' ri Cristo xti-be chique c-onojel tinamit y tukaj y ch'abel y vinaki'."

RI NI-RAYIX

Ni-rayix chi tok c'achon yan re c'utic re', ri familia qu-etaman ri ru-samaj ri Jesucristo y niqui-nimaj chi ja Rija' ri Colonel. Xtic-ajo' xtiqiu-tzekelbej Rija' y xtiqiu-ben bautizar qui'.

RU-CHOJMILAL

TIJONIC 1: Yoj-tiquir yoj-jel apo mas r-iq'uin ri Jesucristo.

TIJONIC 2: Ja ri Jesucristo x-tz'ucun r-ichin re ruvach'ulef.

TIJONIC 3: C-oma ri ru-camic y ru-c'astajibal ri Jesucristo, c-onojel vinaki' xque-c'astej pe chuka'.

TIJONIC 4: Vi ni-tzolin pe ka-c'u'x chupan ri ka-mac y nika-takej ri ru-pixa' ri Ajaf, ri ru-rayil pokonal Rija' c'o r-ejkalen chupan ri ka-c'aslen.

TIJONIC 5: C-onojel ri ye-niman r-ichin ri ru-rayil pokonal ri Cristo niqui-ben bautizar qui' chupan ri ru-iglesia Rija'.

TIJONIC 6: Ri Jesucristo ja Rija' ri ka-k'atoy tzij.

Mosiah 3:20.

DyC 115:4; 3 Nefi 27:8; Efesios 2:20.

(Vi ri K-ach'alal Xicay nu-bij chi man nr-ajo' ta ni-jel apo r-iq'uin ri Ajaf, ta-bij chire:)

K-ach'alal, ¿la c'o c'a modo na-bij chike achique roma queri' nu-bij ri av-ánima?

(Ta-nic'oj ri kitzij ru-nojibal ri K-ach'alal Xicay chirij ri Jesucristo. Man ta-chutinirisaj rija'. Xe ta-to' richin nu-bij ri achique nu-nimaj. Preguntas quere' xcatqui-to':)

--¿La a-banon leer chupan ri escrituras chirij ri Ajaf Jesucristo?

--¿La yalan a-banon orar chire ri Dios?

--¿La a-xutun ri ru-tijonic ri Ajaf?

(Tok na-nabey juba' ru-nojibal ri K-ach'alal Xicay, ta-c'utuj chire quere':)

¿La na-bij rat chi ri Jesucristo ja Rija' ri lok'olej Ru-c'ajol ri Dios?

(Vacami, vi nu-bij "ja," ta-bij chire quere':)

Roj chuka' k-etaman chi ri Jesús jun lok'olej vinek. Ka-naben juba' chi rat man can ta a-niman chi can c'o vi modo chi ya-jel apo r-iq'uin. Roma c'a ri', vacami xkoj-tzijon juba' iv-iq'uin richin chi'ijujunal rix niv-etamaj achique modo xquix-jel apo r-iq'uin ri Ajaf Jesucristo. Rija' mismo xu-bij, "Quix-ampe v-iq'uin, iv-onojel ix samajinek ix cosinek y yin xtín-ya' chive richin xquix-uxlan." (Mateo 11:28.)

(Tok nu-na' ri av-ánima chi rija' nuc'tajinek chic, ca-k'ax apo pa ri ru-ca'n tijonic.)

Juan 1:1-3.

1 Corintios 8:6; Colosenses 1:16; Hebreos 1:2.

TIJONIC 1: YOJ-TIQUIR YOJ-JEL APO MAS R-IQ'UIN RI JESUCRISTO.

Tijonel: Yoj-quickot roma oj c'o iv-iq'uin rix, K-ach'alal Xicay. Av-etaman chi oj r-ichin ri Ru-iglesia ri Jesucristo de los Santos de los Ultimos Días. Ri kitzij ru-iglesia ri Jesucristo ru-bini'an ri Ru-iglesia ri Jesucristo roma ja Rija' c'o pa ru-vi'. Tok ri Colonel x-tzijon r-iq'uin ri tinamit vave' pan América ojer can, Rija' xu-bij, "Y achique c'a ri ru-baniquil ri nu-iglesia vi man nu-c'uaj ta ri nu-bi'?"

Nika-jiquiba' chivech chi ja re' ri kitzij ru-iglesia ri Cristo y can kitzij vi ja Rija' c'o pa ru-vi'. ¿Achique roma nav-ajo' nav-etamaj juba' chic chirij ri Jesucristo y ya-jel apo r-iq'uin?

Xicay: C'ulubanic

Tijonel: Ri K-ajaf xu-bij, "Quix-ampe v-iq'uin, iv-onojel ix samajinek ix cosinek y yin xtin-ya' chive richin xquix-uxlan." (Mateo 11:28.) Chikajujunal roj yoj-tiquir nika-ben ri nu-bij ri Jesús; ja ri' yoj-be r-iq'uin. Ru-c'amon chi k-onojel roj yoj-jel apo mas r-iq'uin ri Jesucristo.

TIJONIC 2: JA RI JESUCRISTO X-TZ'UCUN R-ICHIN RE RUVACH'ULEF.

Tijonel: Ri ru-ch'abel ri Dios nu-c'ut chikavech chi Jesucristo x-tz'uc re ruvach'ulef. Tika-bana' na leer chupan ri Vuj r-ichin ri Mormon.

Xicay: Nu-tz'et ri Helaman 14:12.

Tijonel: Re tzij re' nu-bij chi ja ri Jesucristo x-banon r-ichin re ruvach'ulef. Chupan ri c'aslen ru-banon can, tok ri Jesucristo xa jun espíritu, ri Tata'ixel xu-ya' chire ri

(Vi ri k-ach'alal nu-bij chi man ja ta ri Jesucristo ri x-tz'ucun r-ichin ri ruvach'ulef, c'o modo chi ye'a-cusaj tak preguntas quere' richin chi na-nabej achique roma c'o ca'i' ru-c'u'x:)

--K-ach'alal, ¿achique roma na-bij rat chi man ja ta ri Jesucristo ri x-tz'ucun r-ichin ri ruvach'ulef?

--¿La bitajinek chave chi ri Tata'ixel ja Rija' x-banon r-ichin ri ruvach'ulef?

--¿La nav-ajo' na-tz'et chupan ri Biblia acuchi nu-bij vi chi ja ri Jesucristo ri tz'ucunel r-ichin ri ruvach'ulef? (Juan 1:10; Hebreos 1:2.)

--Vi rat na-nabej ta chi ja ri Jesucristo ri x-tz'ucun r-ichin ri ruvach'ulef, ¿la c'o cami modo ya-jel apo mas r-iq'uin Rija'?

(C'a ri', ta-chapa' chic ru-tijoxic.)

samaj richin xu-tz'uc ri ruvach'ulef. Can xu-ben vi ri'. Ri Apóstol Pablo xu-bij can, "R-onojel x-tz'uc can r-oma ri Jesucristo." R-oma ri', k-etaman chi ja ri Jesucristo x-banon r-ichin ri ruvach'ulef y r-ichin r-onojel ri n-ilitej vi chuveh. ¿Achique na-bij rat chi x-tz'ucun r-ichin re ruvach'ulef re'?

Xioay: C'ulubanic

Tijonel: Roj oj c'o vave' richin yixka-to' richin niv-etamaj juba' chic chirij ri Jesucristo. Rija' xu-tz'uc re ruvach'ulef roma yojr-ajo' y xr-ajo' xu-ya' chike jun c'ojlibel richin c'o modo yoj-c'ase' chupan re c'aslen re'. Nika-jiquiba' chivech chi can kitziy vi ri Jesús tz'ucuyon r-ichin re ruvach'ulef re' y nr-ajo' chi nika-ben ri utz vave'.

TIJONIC 3: C-OMA RI RU-CAMIC Y RU-C'ASTAJIBAL RI JESUCRISTO, C-ONOJEL VINAKI' XQUE-C'ASTEJ PE CHUKA'.

Tijonel: X-apon ri k'ij tok ri Jesucristo x-alex pe chuveh re ruvach'ulef. Ri ru-te' Rija' ja ri María y ru-tata' Rija' ja ri Tata'ixel Dios c'o chila' chicaj. Ri Jesucristo x-nimer c'a y tok c'o chic 33 ru-juna' ri itzel tak achi'a' xqui-rip ri Jesús chuveh ri cruz. Tok caminek chic ri Jesús, x-mukutej ru-ch'acul pa jul. C'a ri', pa rox k'ij xe-be ri r-achibil ri Jesús chuchi ri jul y xqui-tz'et chi ri Jesucristo man c'o ta chic chupan. Ca'i' aj chicaj achi'a' ri xe-c'oje' chiri', xqui-bij chique chi Jesús x-c'astej pe y chi Rija' man caminek ta chic. Xa can q'ues vi. (Mateo 28:1-10; Lucas 24:1-9.)

Ri Vuj r-ichin ri Mormon chuka' nu-c'ut chikavech chi tok Cristo c'astajinek chic chiri' pa Jerusalén, x-oka' pe vave' pan América chuka'. Chupan ri mismo k'ij, tok x-com ri Jesús chiri' pa Jerusalén, xe-ban nima'k tak silonel vave' pan América y x-k'eker ri caj y xe-tzak ri jav y x-pe job y x-ban coyopa chila' chicaj. Ri vinaki' yalan xe-ok' y xqui-rek qui-chi' y xqui-mol qui' chiri'.

Y tok e c'o chiri', xc-ac'axaj jun ch'abel chila' chicaj ri x-nataj quere', "Ja re' ri Nu-c'ajol Ni-lok'ok'ex achojroma yi-quicot y ja Rija' ri banayon r-ichin ri ruc'ojlen ri nu-bi'. Tiv-ac'axaj Rija'."

C'a c'a ri', xe-tzu' chicaj y xqui-tz'et jun achin ri x-ka' ka pe quere'. Y xu-cusaj sek ru-tziak, y x-xule' pe y x-pa'e' pa qui-nic'ajal ri vinek. C'a jampe na, xu-yuk ru-k'a' y xu-bij chique ri vinaki', "Ti-tzu' pe. Ja yin ri Jesucristo ri x-jiquibex c-oma ri profetas chi ni-pe ta chuveh re ruvach'ulef."

Tok ri vinaki' qui-yo'on chic ru-k'ij, ri Jesús x-tzizjon chic jun bey qu-iq'uin y xu-bij, "Quix-yacatej y quix-

(Vi ri k-ach'alal nu-ben ca'i' ru-c'u'x, ta-nic'oj achique roma man nu-nimaj ta chi ri Ajaf x-c'astej chic. C'o modo ye'a-cusaj tak preguntas quere!:))

--¿Achique roma na-bij chi ri Jesucristo man x-c'astej ta chic?

--¿La na-bij rat chi ri Ajaf man q'ues ta vacami?

--K-ach'alal, juba' chirij ri ru-camic ri Jesucristo, Rija' Xu-c'ut ri' chiquivech ri ru-apóstoles y xu-bij chique, 'Ti-chapa' y ti-tzu', roma jun espíritu man c'o ta ru-ti'ojil ru-bakil achi'el ri nu-ti'ojil nu-bakil ri ni-tz'et rix. (Lucas 24:39.) ¿Achique nu-bij na ri av-ánima chirij re tzij re', K-ach'alal Xicay?

(Tok nu-na' iv-ánima chi rija' nuc'tajinek chic, chix-ca'i' tijonela' ti-jiquiba' chuech rija' chi ri Jesucristo c'a q'ues na vacami.)

3 Nefi 11:44.

(Vi ri k-ach'alal ni-cacot chirij re pregunta re', que'a-cusaj re preguntas re' richin na-nabey ru-nojibal:)

ampe v-iq'uin r-ichin chi yix-tiquir ni-ju' i-k'a' chupan nu-coxtilx y ni-chop ri qu-et al ri clavos chupan nu-k'a' y pa v-aken; richin quere' niv-etamaj chi ja yin ri Ajaf y chi yin in caminek c-oma ri qui-mac ri vinaki' chuvech re ruvach'ulef.

Que c'a ri', ri xe-c'oje' vi vave' pan América ojer can xqui-tz'et ri Jesucristo y xqui-jiquiba' chi can x-c'astej vi. Re banobel re' c'o chupan ri Vuj r-ichin ri Momon. Rix chuka' xti-rayij xti-ben leer re re'. Vacami xtika-ya' can iv-iq'uin richin chi xtiv-etamaj chi can kitzij vi ri Jesús x-pe vave' pan América chuka'. ¿Achi que roma na-nimaj rat chi ri Jesús can x-c'astej vi y c'a q'ues na vacami?

Xicoay: C'ulubanic

Tijonel: Vacami c'a chupan ri kitzij Ru-iglesia ri Jesucristo, ri Vuj r-ichin ri Momon y chuka' ri Biblia niqui-c'ut chikavech chi ri Jesucristo ja Rija' ri Ka-colonel y chi Rija' c'a q'ues na vacami. Tika-tz'eta' na vacami achi que xqui-ben vi ri vinaki' vave' tok Jesucristo x-oka' qu-iq'uin.

Xicoay: Nu-tz'et ri 3 Nefi 11:15.

Tijonel: Chuka' chupan re k'ij re' ri José Smit xu-tz'et ri Ajaf chuka' y xu-jiquiba' chi can q'ues vi. (DyC 76:22-23.) Ri mas ni-c'atzin chive rix ja chi rix chuka' xtiv-etamaj chi Jesucristo q'ues vacami. Ri' ni-c'atzin chive roma k-etaman chi c-oma ri camic y c'astajibel r-ichin ri Jesucristo, k-onojel roj xkoj-c'astej pe. Ri sipanic r-ichin ri c'astajibel xti-pe chikij k-onojel roj r-oma ri ru-c'astajibal ri Jesús. Quere' xu-bij ri profeta Amulec: "Re ya'ic chic re' xti-pe chiquij c-onojel; chiquij ri e ri'j chic o ri e alc'uala', ri e tz'apel o ri e osk'opixel, ri achi'a' o ri ixoki', ri e itzel o ri e choj."

Chuka' ri apóstol Pablo xu-tz'ibaj re mismo tijonic re'.

Xicoay: Nu-tz'et ri 1 Corintios 15:21-22.

Tijonel: Roj nika-jiquiba' chivech chi roma ri ru-camic y ru-c'astajibal ri Jesucristo, r-onojel ri vinek xque-c'astej pe chuka'. ¿La jebel nu-na' ri av-ánina roma ri Cristo xtu-ya' chike k-onojel ri sipanic r-ichin ri c'astajibel? ¿Achi que roma?

Xicoay: C'ulubanic

I-8

--¿La man na-nimaj ta chi ri Jesucristo ja Rija' ri Ka-colonel?
--¿La na-nimaj rat chi xaxe ri e choj xque-c'astej chic?
--¿La c'o ca'ii' a-c'u'x roma c-onojel xoue-c'astej stape utz ri qui-
banobal o man utz ta? (Vi ni-cacot roma ri', ca-k'ax apo pa ru-caj
tjjoníc.)

(Ta-k'alajirisaj chuvech ri achiove man ni-k'ax ta pa ru-vi'. Ta-
jiquiba' chuvech chi ri Ajaf xtu-ya' chike k-onojel ri ru-sipaníc r-
íchín ri c'astajíbel.)

1 Nefi 15:34; Dyc 1:31-33;82:10;130:20-21.

Dyc 19:16-17.

(Vi ri K-ach'alal Xicay man utz ta nr-ac'axaj re tjjoníc re', ta-nic'oj
ri ru-nojibal. R-Iq'uín juba' nu-xibij ri' roma nu-na' chi c'o fuerza
chi ni-tzolin pe ru-c'u'x. Tok nu-na' av-ánima chi rija' nuc'tajínek
chic, ta-chapa' chic ru-tjioxíc.)

**TIJONIC 4: VI NI-TZOLIN PE KA-C'U'X CHUPAN RI KA-MAC Y
NIKA-TAKEJ RI RU-PIXA' RI AJAF, RI RU-RAYIL,
POKONAL RIJA' C'O R-EJKALEN CHUPAN RI KA-C'ASLEN.**

Tijonel: K-onojel roj nika-rayij yoj-oc chupan ri kitzij r-ajavaren ri Dios. Ri ru-ch'abel ri Dios nu-c'ut chikavech chi majun tz'il n-oc apo pa r-ajavaren Rija'. Tika-tz'eta' na chupan ri Biblia.

Xicay: Nu-tz'et ri 1 Juan 1:8.

Tijonel: Ri' nu-bij chike chi k-onojel oj tz'il coma ri ka-mac. Roma c'a ri' ne'-c'ulun chike chi man xkoj-oc ta pa r-ajavaren ri Dios coma ka-mac. Pero ri Ajaf janila yojr-ajo', y roma ri', Rija' ru-banon ri bey richin chi yojr-ch'ajch'ojir che ri ka-mac. Tika-bana' na leer chupan ri Vuj r-ichin ri Mormon.

Xicay: Nu-tz'et ri Alma 11:40.

Tijonel: Can ja vi ri Jesucristo xu-bij chire ri José Smit, "Yin, ri Ajaf xin-tej pokonal c-oma c-onojel vinaki' richin chi man xtiqui-tej ta pokonal vi ni-tzolin pe qui-c'u'x che qui-mac. Pu vi man ni-tzolin ta pe qui-c'u'x, c'o chi xtiqui-tej pokonal achi'el xin-tej yin. Nika-jiquiba' chivech chi ri Ajaf Jesucristo xeru-coch' ri k'axon y ri alal qu-ichin ri ka-mac. Rije' ri niqui-q'uen ri ru-rayil pokonal ri Ajaf y niqui-nimaj Rija' y ni-tzolin pe qui-c'u'x, xque-ch'ajch'ojirisex che ri mac. Y rije' ri ye-ch'ajch'ojir che ri qui-mac, xque-apon qu-iq'uin ri Dios y ri Jesucristo benek ru-vech. ¿Achiqne roma utz na-bij rat chi Jesucristo nu-ya' chike richin ye-cuyutej ri ka-mac?

Xicay: C'ulubanic

Tijonel: Ri Ajaf ru-bin can chi xaxe ri ye-taken qu-ichin ri ru-pixa' xque-apon pa ri r-ajavaren y xque-c'oje' qu-iq'uin ri qui-familias. Rije' ri man niqui-nimaj ta ru-tzij ri Dios xque-be qui-yon oc pa ch'aka chic c'ojlibel man can ta e utz. Ri Ajaf xu-k'alajirisaj chiquivech ri apóstoles ri ru-baniquil ri r-ajavaren. Xu-bij, "Chupan ri r-achoch ri N-ata' e q'uiy c'ojlibel e c'o." Ri Jesús xu-bij chuka' chi xti-yo'ox chique ri man ye-niman ta ru-tzij ch'aka chic c'ojlibel, pu rije' man xque-tiquir ta xque-apon qu-iq'uin ri Tata'ixel y ri C'ajolaxel. Tika-bana' na leer ri achique ri Dios nu-suj chique ri can ye-taken qu-ichin ri ru-pixa'.

Xicay: Nu-tz'et ri DyC 81:6.

Tijonel: Pa jun chic ch'abel ri ye-taken qu-ichin ri ru-pixa' ri

(Vi rija' nu-bij "man utz ta," ta-nic'oj ri achique man nu-nimaj ta rija'.
C'o modo ye'a-cusaj re preguntas re':)

--¿La na-bij rat chi xaxe c'o jun ri r-ajavaren ri caj y jun ch'ojiuil?

--¿La na-bij rat chi xa junan ri banobel qu-ichin c-onojel vinaki'?

--¿La na-bij rat chi ri Ajaf junan yeru-ben bendecir ri nu-ben ri utz y
ri nu-ben ri man utz ta?

(Tok can ni-k'ax vi pa ru-vi' ri k-ach'alal chi man e junan ta ri
c'ojlibel chirij re c'aslen re', ta-takej chic ru-tijoxic.)

(Vi nu-bij ri K-ach'alal Xicay "mani," ta-nabey ri achique roma ni-
cacot. C'o c'a modo ye'a-cusaj re preguntas re':)

--¿Achique roma man c'o ta modo chi ni-tzolin pe a-c'u'x?

--¿La c'o jun ri na-c'utuj chike chiquij ri ru-pixa' ri Ajaf?

--Ri Ajaf ru-bin can chi achique ri ni-tzolin pe ru-c'u'x chire ri ru-
mac can ni-cuyutej vi. (DyC 5R:42.) ¿La man nav-ajo' ta re bendicion
re', K-ach'alal Xicay?

(Tok utz nu-na' r-ánima rija' chirij ri pregunta, ta-takej chic ru-
tijoxic.)

Alma 7:14-15.

Ajaf xque-c'astej pe richin xque-c'oje' r-iq'uin Rija' benek ru-vech. Y riye' ri man niqui-takej ta ri ru-pixa' ri Ajaf xque-c'astej richin xque-c'oje' benek ru-vech chupan ch'aka chic c'ojlibel man can ta jebel. ¿La utz nu-na' ri av-ánima chi ri Ajaf xtu-ya' chike ri ka-c'ojlibel segun ri ka-banobal vave' chuvech re ruvach'uíef?

Xicay: C'ulubanic

Tijonel: K-etaman c'a chi janila r-ejkalen ri ni-takej rix ri ru-pixa' ri Dios. Roj nik-ajo' nika-c'ut chivech achique ru-c'amon chi rix ni-ben richin chi xtiv-ichinaj ri r-ajavaren ri Dios.

TIJONIC 5: C-ONOJEL RI YE-NIMAN R-ICHIN RI RU-RAYIL POKONAL RI CRISTO NIQUI-BEN BAUTIZAR QUI' CHUPAN RI RU-IGLESIA RIJA'.

Tijonel: ¿La na-bij rat chi rix yix-tiquir ni-tzolin pe i-c'u'x y ni-takej ri ru-pixa' ri Dios?

Xicay: C'ulubanic

Tijonel: Janila yixk-ajo' y yoj-quitoc roma rix niv-ajo' ni-chojmirisaj apo ivi' richin yix-oc chupan ri r-ajavaren ri Dios. Vacami roj oj ri kitzij ru-samajela' ri Dios vave'. Nika-bij chive rix ri xu-bij ri Alma chique ri x-rayin r-ichin ye-cuyutej qui-mac chupan ri k'ijul r-ichin rija'. Xu-bij quere': "Vacami c'a nin-bij chive chi ru-c'amon chi ni-tzolin pe i-c'u'x y yix-alex ta chic jun bey. Roma ri Uxlabixel nu-bij chi vi man yix-alex ta chic jun bey, man xquix-tiquir ta xtiv-ichinaj ri r-ajavaren ri caj. Quix-ampe c'a, quix-kasex chuxe' ya' tok tzilotajinec pe chic i-c'u'x richin yix-tiquir yix-ch'ajch'ojir che ri i-mac. Ja c'a re' nin-bij chive, quix-ampe y man ti-xibij ivi'. Ti-ch'ara' ivi' chuvech i-mac; ri mac ri man c'ayef ta yixqui-xim, ri yixqui-chop c'a jampe na yix-yojtej y ti-c'utu' chuvech ri Ajaf chi ni-rayij ni-tzolin pe i-c'u'x y ti-bana' jun sujunic chire ri Dios richin ni-takej ri ru-pixa' y ti-jiquiba' chuvech vacami y quix-oc chupan ri ya' r-ichin kasan chuxe' ya'.

(Vi jiquiban chia ri k'ij r-ichin qui-kasan chuxe' ya', ta-bij chique chi uts niqui-chojmirisaj apo qui' r-ichin. Vi man jani ti-jiquiba' ri k'ij r-ichin qui-kasan chuxe' ya', ta-c'utu' quere':)

¿La xti-chojmirisaj apo ivi' richin ni-ben bautizar ivi'?

(Vi ri k-ach'alal nu-bij "mani," ta-to' na rija' richin ni-k'ax pa ru-vi' chi ri Ajaf r-etaman chi c'ayef chire richin n-oc pa ri kitzij ru-beyal. Ti-k'ax pan a-vi' rat chi nim re cha'ic re' richin nu-ben bautizar ri'. Pu ta-jiquiba' chueveh chi ri Ajaf xtu-ben bendecir janila vi n-oc apo chupan ri kitzij ru-iqlesia. C'a ri', ta-chapa' chic ri tijoxic.)

Juan 14:2,6; Juan 3:1-5.

Apocalipsis 20:12.

Mosiah 26:23-24.

Xicay: C'ulubanic

Tijonel: Roj k-etaman chi ri Jesucristo ja Rija' ri bey, ri kitzij, ri sakil y ri c'aslen y xaxe roma Rija' yoj-tiquir yoj-colotej. Nika-jiquiba' chivech chi ri rayil pokonal r-ichin ri Cristo c'o r-ejkalen chupan ri i-c'aslen xaxe vi ni-tzolin pe i-c'u'x y ni-ben bautizar ivi' chupan ri kitzij ru-iglesia ri Cristo. Yoj-quicot roma rix ni-rayij ni-ben bautizar ivi' chupan ri ru-iglesia ri Cristo richin queri' xti-chojmirisaj apo ivi' richin yix-apon chupan ri r-ajavaren.

TIJONIC 6: RI JESUCRISTO JA RIJA' RI KA-K'ATOY TZIJ.

Tijonel: Chupan jun tz'etonic ri apóstol Juan xr-etamaj ri xti-c'uluvachitej apo y xu-bij quere', "Xen-tz'et ri caminaki' ri nim y chuka' ri co'ol, e pa'el chuvech ri Ajaf. Y xejak ri vuj y xe-ban juzgar ri caminaki' r-oma ri c'o tzibatel can chuvech ri vuj y c-oma qui-banobal." Ja ri Ajaf xti-banon juzgar k-ichin y xkojru-tek pa tak c'ojlíbel. Vi utz ka-banobal, ri Jesucristo xkojru-tek pa jun utzilej c'ojlíbel. Y vi man utz ta ka-banobal, Rija' xkojru-tek el pa ch'aka chic c'ojlíbel. Ri Jesucristo yalan choj y janila r-ajovabal y ru-joyovabal. Tika-bana' na leer chupan ri Biblia, tanaj 5 y moc'aj 22 r-ichin ri Juan.

Xicay: Nu-ben leer ri Juan 5:22.

Tijonel: Roj nika-jiquiba' chivech chi ja ri Jesucristo xti-banon juzgar k-ichin. ¿Achiqre roma utz na-bij rat chi ja ri Jesucristo ni-banon juzgar k-ichin?

Xicay: C'ulubanic

Tijonel: (Tok utz ni-k'ax pa ru-vi' ri K-ach'alal Xicay chi ja ri Jesucristo ri ka-juez, ta-bana' ri camulunic.)

CAMULUNIC

Tijonel: Vacami k-etaman chi Jesucristo xu-tz'uc re ruvach'ulef. Chuka' k-etaman chi r-oma ri ru-c'astajibal ri Jesucristo, k-onojel roj xkoj-c'astej chuka'. K-etaman chuka' chi Rija' x-com c-oma ri ka-mac richin queri' man xtika-tej ta pokonal vi xti-tzolin pe ka-c'u'x, y xtika-ben bautizar ki' y xtika-takej ri ru-pixa'. K-etaman chuka' chi ri Jesucristo xt-oc ri ka-juez. ¿La c'o ri nav-ajo' na-c'utuj chike? (Que'a-cusaj re c'utic re' richin chi yix-camulun juba' r-iq'uín ri K-ach'alal Xicay:)

- ¿Achiqre modo xca-jel apo mas r-iq'uín ri Jesucristo?
- ¿Achiqre x-banon r-ichin re ruvach'ulef?
- ¿Janipe vinaki' xque-c'astej chic jun bey?
- ¿Achiqre x-banon richin roj xkoj-c'astej chic?
- ¿Achiqre roma man e junan ta ri c'ojlíbel acuchi yoj-be vi tok yoj-com?
- ¿Achojroma c'o modo yoj-ch'ajch'o'jir y ni-c'uyutej ka-mac?
- ¿Achiqre ri ka-juez?

1

2

3

4

5

6

--¿Achiq ru-c'amon nika-ben roj richin chi ye-cuyutej ka-mac?

--¿Achiq xta-ben rat richin chi ri ru-rayil pokonal ri Cristo c'o r-ekalen chupan ri a-c'aslen rat?

Tika-bana' na leer ri Eter, ri tanaj 12, y ri moc'aj 41.

Xicay: Nu-ben leer ri Eter 12:41.

Tijonel: K-ach'alal, roj oj samajela' r-ichin ri Jesucristo y jun bey chic yixka-pixabaj chi ti-canoj na y ti-nimaj ri Jesucristo. Y chuka' ti-tzolin pe na i-c'u'x y ti-bana' bautizar ivj' richin queri' ri ru-rayil pokonal Rija' c'o r-ekalen chupan ri i-c'aslen rix. ¿La xti-ben vi ri quere'?

Xicay: C'ulubanic

RI XTIOQUI-BEN LEER RIJE':

Ri Vuj r-ichin ri Mormon

2 Nefi, tanaj 2

Mosiah, tanaj 3,5

Helamán, tanaj 14

Ri co'ol vuj:

Lo que los mormones piensan de Cristo

